

Rito Ra Xikwembu Ritile Eka Muprofeta  
William Marrion Branham

**“Moya Lowunene Wupfula  
Tivhese Ta Rito Ra Xikwembu”**

U nga veki mudyohi nandzu. Vana ni tintswalo eka yena. N'wipfumeleri a ya emahlweni ni ku zaha phayiphi ya yena, n'wipfumeleri anwa byalwa bya yena, n'wipfumeleri a va na khadi ra yena ra ntlangu. I ku rhandza kayena. U nga n'wi voni xihoxo. Kuta e kaya na swin'wana, kukarhala na ku karhala lokukulu, u lava ntsako. Nchumu lowu u nga wu endlaka eka wena i ku hambana niku rhandza ni ku pfumelela Xikwembu vutomi byolebyo leswaku u nga n'wi komba ntiyiso wakona leswaku Gospele yikhomile khume ra magidi hi ku andzisa kanyingi krtlula ku ti phina kwaloko. Nakona loko afa eka ndlela ya leyo, u taya e Tiheleni, ehenhleni ka byalwa bya yena. Sweswo i swi ziziharisi swa sathana. Loko afa a ri karhi a ti ziziharisa eka phayiphi ya leyo ya khale, Xikwembu i mu avanyisi wa yena. Loko afa, a famba e handle lahawani, a giya, niku tsutsuma-tsutsuma hinkwako ni mpanhla yoka yingari kahle, Xikwembu i muavanyisi wa vona.

Kambe kuna nchumu wun'we, loko u fela endzeni ka ntonto wa Matimba ya Moya lowo Kwetsima, kufana na Stefana a nga swi endla loko a langutile ehenhla e xikandzeni xa Xikwembu, aku, “Ndzi vona Tilo ripfulekile, nakona Yesu a yimile e vokweni ra xinene,” umi bohi wa Tilo, kufana na xinyenyani le xintsongo ebokisini ra xona. Amen.

Moya lowunene wu pfula tivhese ta Rito ra Xikwembu! A hi luzeni, a hifambeni. “U swi endla njhani, Buti Branham?” Ntsena a hi fambeni. Sweswo hinkwaswo hifanele ku swi endla. Teka Rito ra Xikwembu. U nga ringeti kutirha leswi ngariki nchumu. Mingayi e hansi e altaren, banani eka xona, huwelelani hikuhuwelela lokukulu, oho, “Xikwembu, Ndzi nyike Moya lowo Kwetsima! Hosi, ndzi nyiki Moya lowo Kwetsima.” U lekuteni, wena. U leku beni eka altari ya leyo. Sweswo unga endli leswinene. Ee. Yaleylo indlela leyi yi taka. Swi, N’witeka eka Rito ra Xona!

Languta eka Petro. A ri e khombyeni, switikomba ingaku u ya eku feni. Nakambe u vonile Hosi yi ta, yifamba ematini. Hiloko aku, “Hosi, loko kuri Wena, Ndzi rhambe ndzi ta.”

Hosi yiteri, “Tana.”

Kambe Petro aku, “Sweswi yima nyana xinkadyana, Hosi, ndzi pfumeleri ndzi ya titsona masiku ya makume-mune, kuvona loko ndzi ta swi kota ku famba e ka mati ya lawa, kumbe a ndzi nge swikoti. Oho Hosi, U nge ndzi kuma Moya woringana eka mina, leswaku ndzi nga giya e Moyeni hambi kuri ku vulavula hi tindzimi, eka byatso lebyi, ndzi nga kota ku tlhava goza ndzi ya e handle”? Ee, Nkulukumba! U tekile Xikwembu eka Rito ra Xona, a hi lahlekeriweni nakona a hi fambeni. Xikwembu Xi n’wi tekile kona.

Ku ngava yini loko Xikwembu Xi hlanganile na Muxé, u vi Xiku, “Muxé, famba u ya e Egypta, u ya byela Faro, ‘Apfumelela vanhu va mina va famba’”? Kungava yini loko Muxé ate, “Ndzi pfumeleri ndzi ya titsona masiku ya makume-mune, xosungula, ndzi vona loko ndzi

ri na ripfumelo ro ringana kupfumela Wena, Xikwembu. Ndzi nyike swin'wana, swin'wana na kambe, Hosi. Ndzi pfumeleri ndzi ku byela swin'wana, ndzi pfumeleri ndzi vona loko ndzi kuma eMoyeni, kusungula"? Muxe a nga kalanga a vutisa swivutiso swin'wana, u tekile ntsena Xikwembu eka Rito ra Xona, u vi a risusa. Yaleyo i ndlela leyi u faneleke ku yiendla, teka Xikwembu eka Rito ra Xona. U ta switiva u ta fanela ku swi endla. A nga kalanga a yima kufikela loko swin'wana swi tekile ndhawu, u lo ya emahlweni a swi endla.

Eliya yena ke, loko a enhlela e hansi a chika e Ntshaveni ya Camela, a ri lahaya nkarhi woleha? Nakona u hlanganile na xisiwana xa mudyuhari wa noni, akuri...akuri xitaxifamba, ari wa matiko. Loko atava a hlanganile na yena n'wansati loyi lahaya e hansi, a ri karhi a hawula timhandzi tin'wana, e jarateni. Xikwembu Xi n'wi byerile leswaku, "Famba lahaya eka yindlu ya noni." Eka ndhawu yihi eka muchumayeri leswaku aya!

Lahawani u ya e hansi lahaya eka yindlu ya noni. Nakona loko a e ndlile, ari na timhandzi timbirhi. Aku, "Xana u endla yini?"

Aku, "Ndzi hawula timhandzi tin'wana. Ndzi na mapa yoringana ntsena ku endla makhekhe ya khoni yo tala. Sweswo hi swona hi nkwaswo ndzi nga swi siya. I malembe manharhu kusukela loko hi vile na mpfula." Atlhela aku, "Ndzi ya eku endleni ka makhekhe lawa ya khoni. Mina na jaha ra mina hi ya ekuma dyeni, i vi hi fa."

Aku, "Ndzi endleli ri n'we, kusungula!" Haleluya! Ina, ndza—ndza switiva leswaku ndzi hlanganile nhloko nyana, kambe ndzi le tlhelweni ra Hosi, swi ngava njani. Aku, "Ndzi endeli ri n'we, kusungula! Leswaku, LESWAKU NDZI TIRHELA HOSI!" Lahaya anga kona.

I yini lexi? “Wena kuma Mfumo wa Xikwembu, ni vun’we bya Yena!” Ku nga ri Mfumo wa Xikwembu na huwa “leyi ntsongo,” kungari Mfumo wa Xikwembu ni “ntsako lowu ntsongo,” ku nga ri Mfumo wa Xikwembu na “swintsongo *leswi* kumbe *sweswo*.” Kambe, “Xikwembu, eka vun’we bya Xona, na hinkwaswo swo fana na *leswi* swi ta katsiwa eka wena!” Veka kusungula!

Sweswi, noni yaleyo u na swona sweswo. Ripfumelo ri ta hi ku yingisela, kuyingisela ka Rito. Noni leyi yiteri, “Rero i Rito ra Hosi, eka sweswo i ku rhula ka n’wanuna wa Xikwembu. Ya loye i muprofeta wa Xikwembu, ndza swi tiva leswaku intiyiso. Nakona rero i Rito ra Xikwembu.”

Kambe, Noni leyi a yi tsutsumanga yi jika yi ya vutisa vamakhelwana leswaku yinga endla yini. A nga kalanga akala kuya aya katsakanya miehleketo na vona...niku byela va makhelwani, aku, “Sweswi, u ehleketa yini? Muchumayeri kusuka e ndlwini ya mina avula *leswi*. Susie, u ehleketa yini hi *leswi*? ”

Yi yile endzeni, yisungula ku cukumetela e handle. Yi ti pfumelerile ku famba. U pfumelerile kufamba ka *leswi* ari na swona, leswaku nkarhi wu n’wana a nga kuma vunyingi. Sweswo hi *leswi* misava yi swi lavaka namutlha, i vukahle bya vukahle ka fexeni ya khale kupfumelela *leswi* u nga na swona kufamba. Haleluya! Yi cukumeterile e handle, a nga titwa a ri nganile. U cukumetile mafurha hinkwawo lawa a ri na wona, na hinkwawo mafurha lawa a ri na wona na mapa lawa a ri na wona, eka muchumayeri, eka Mfumo wa Xikwembu. Loko a cukumetile hinkwaswo *leswi* lahaya, Xikwembu Xi xikela e hansi, xitata ndhichi leyikulu hi mapa, xitata jeke hi

mafurha. Noni leyi yi swicukumetela nakambe eka ndhichi ya muchumayeri, nakambe Xi xikela ehansi, Xi tata na kambe. U swi cukumetile endzeni. Nkarhi wu n'wana na wun'wana loko noni yi cukumeta, Axitata.

Ndzi teri vula namutlha, loko ingi n'wanuna anga cukumetela e handle hinkwaswo leswo biha a ya emahlweni atlhela atiendla ingaku hiloko ari Mukreste, minge Moya lowo Kwetsima wu teka ndhawu wa wona, kutava na pfunxelelo wu ta sungula hi siku ra vunhungu nakona Xitarata xexo xa Penn Xita kukula tiko hinkwaro. Sukela maendlele ya lawa yoka ya ngari kahle, tlhelela endzhaku eka Rito ra Xikwembu. Swicukumeteri e handle, leswaku u nga ha tatiwa. Tipfumeleri ku famba, nakambe Xikwembu Xita ku pfumelela leswaku uta. U cukumetela e handle, Xikwembu Xi ta tata. Hinkwaswo swilo leswi swoka swingari na nkonka, leswi, "Leswi u faneleke ku swi endla hi *leswi*, nakona u fanele u endla *sweswo*, u fanele u endla *leswi*, u fanele u endla *sweswo*." Rivala hi *sweswo!* Swicukumeteri e handle eka moya wa wena!

U nge, "Xikwembu, ndzi pfumeleri kusuka eka nchumu wun'we...siku leri, a ku vi na ku helela eka Wena. Hosi, ndzi ta himbilu leyi yi tshovekeke. Ndzi ta hi moya lowu wunga hetiseka. Ndza ku Rhandza, nakona wa switiva leswaku ndzaku Rhandza. Nakona ndzi lava kurivala hinkwaswo leswo huma endleleni eka makume-mune lawa wa masiku yo titsona nakona ndzi vona loko ingi ndzi ngava e kusuhi na Xikwembu, na hinkwaswo *leswi, sweswo, swin'wana*, hinkwaswo leswo biha."

Switshike! Kuhava eka Rito lexi Xinga kubyelaka leswaku u titsona makume-mune wa masiku. Kungari nchumu. Kuhava nchumu emisaveni lexi xinga ta ku byela

leswaku u titsona, Swintsongo Xikwembu Xita ku byela. Loko u ti tsona, a wu ngetwi ndlala, nakona kufamba swilo leswi hinkwaswo. Tani hileswi u titsonaka, buti, u tatiphina u tlhela u tsaka eka nkarhi hinkwawo. Aku, “Unga humeleri emahlweni ka n’wanuna kufana na leswi va encenyeti va endlaka swona, nakuleha, xikandza xo terisa vusiwana. ‘Ndzi leka makume-mune wa masiku yo titsona, tindhichi ta mina atinge he niringani nakambe. Ndzi lahlekeriwile hi makume-nharhu wa tipondzo, nakona va ndzi byele leswaku ndzi languteka ku antswa endzhaku ka leswi loko swiherile.’” Oho, thyaka! I moya lowunene wa Javulosi.

Nghena e altareni, i ku “ku kwetsima, ku kwetsima, ku kwetsima” kufikela laha u nga ta tsandzeka kuvula xin’wana na xin’wana hi matimba, i ku, “U fanele u vulavula hi tindzimi u nga se kuma Moya lowo Kwetsima.” Thyaka! Swicukumeteli ekule!

Teka swilo sweswo ehandle ka mirhi wa wena u ta eka Rito ra Xikwembu! Ute, “Hundzuka, un’wana na u n’wana wa n’wina, mikhuvuriwa hi Vito ra Yesu Kreste leswaku Xikwembu xi ta mirivalela swidyoho swa n’wina, nakona mita kuma nyiko ya Moya lowo Kwetsima.” Loko Xikwembu xinga hlayisi Rito ra Xona a hi Xikwembu. Amen. Swicukumeti e handle! Kuma ku tatiwa! Amen. Hu! Ndzi rhandza sweswo, rero i Rito ra Yena. Xikwembu xivule tano. Sweswo swilulamile. Nakona loko Xikwembu xiswivurile, Xikwembu xi ta swihlayisa. Hinkwaswo ka kahle. Hinkwako kulunghisa loku unga ku endla, hinkwako ku ya ekerekeni loku unga ku endla . . .

Swifana ntsena na laha hansi eka ntirho wa movha laha va nga endla bence leri kulu ra movha, kumbe

bence lerikulu ra va khandziyi va mimovha. Ndzi toloverile kutirha lahaya. Nakona vateka vatlhela va aka matorokisi lamakulu na hinkwaswo, nakona vavekela mapulanga lamatiyeke, va endla mahogani ku jika hi nkawko, nakona swin'wana na swin'wana swiva swisasekile, swi veki e handle lahaya exiporweni, nakona swi va swi fikile tani hi kufa kansimbhi ya rivanti. Lahaya u veka njhini, kuhava musi eka yona, noni leyi yo tshama ntsena lahaya.

Lexi xilavekaka namutlha indzilo wun'wana eka xivirisi. Lexi xilavekaka namutlha i musi wun'wana. Lexi xilavekaka namutlha, kereke, kuva yivila... Xilo lexi xihihsaka ngopfu lahaya iku virisa xidyoho xisuka eka vutomi bya wena, i rirhandzu. Nakambe loko u nga rhandzi u n'wana, u ta xirhandza njani Xikwembu u nga se tshama u Xivona? Rirhandzu rivona swidyooho swotala. Nghena eka rirhandzu ra Xikwembu, hikokwalaho uta rhandza un'wana na un'wana wa rikwerhu, uta rhandza kereke, u ta rhandza xivangelo, u ta rhandza xin'wana na xin'wana lexi xi nga vukhongeri, u ta swicukumetela ekule swilo swa misava.

Moya lowunene wu famba hinkwako wu byela vanhu *leswi*, *sweswo kumbe swin'wana*, "Vafanele va endla *leswi*, vafanele va endla *sweswo*." Swi hi ku mihangano yaleyo ya tikereke yi yimiserile e henhla, nakona va na nhlavutelo wu ntsongo lowu va wuvulaka. "Kambe, sweswi, ndza pfumela leswaku n'wanuna... Ndzi pfumela eka xilo xexo tani hikuhwelela, e Bibeleni." Sweswo swi kahle, walowo intiyiso. Va endlile mihangano ya tikereke ehandle ka xona, "Loko u huwelela, una Xona." Kambe a wuna nchumu.

U n'wana un'we loyi alandzela u yimiserile ehenhla, aku, "Kuvulavula hi tindzimi." Sweswo swikahle, sweswo swile Bibeleni. "Kambe loko u vulavula hi tindzimi una Xona." Kambe votala va vona va vulavurile hi tindzimi kambe a va vanga na Xona. Wa vona? Sweswo a hi swona. Ee, nkulukumba.

Votala va vona vari, "Kumbe, hifanele hi profeta."

Languta eka vuprofeta lebyi lahawani na timhondzo enhlokweni ya vona, vatlulela ehehla nale hansi vari karhi va profeta. Nakona Micaiah ute, "Mi, un'wana na un'wana, a etlerile." Amen. Swikahle. Xikwembu a Xi ti kufana na sweswo. Xikwembu xita eka mbilu leyi yinga tshembheka leyi yi taka na kutisola lokukulu loko yi endlile xihoxo, Moya lowu wu nga tshoweka. "U ya emahlweni hikutala ka mihloti leyi yinga kanakaneku ku tlhela nakambe eku tsakeni lokukulu, minyiketa eka yena nkarhalo wun'we wo hlawuleka." Amen. Kuma sweswo swa kahle, munghana.

(Ku suka eka *Moya Lowunene*, Mawuwani 24, 1955)

Voice Of God Recordings, South Africa Office  
P.O. Box 178, Somerset West, 7129 Cape Province,  
Republic Of South Africa

VOICE OF GOD RECORDINGS  
P.O. Box 950, Jeffersonville, Indiana, 47131 U.S.A.

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriya eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)